

Voorsang: Ps. 2: 1 & 6

Ontmoetingsdiens

Votum

Seën

Lofpsalm: Ps. 99: 1, 3 & 5

Woorddiens

Gebed

Skriflesing: Openbaring 14: 6-13 & H/K Sondag 4

Fokus: Openbaring 14: 6-13 & v&a 10

God laat geen enkele sonde ongestraf laat bly nie. Hierdie stelling klink vir baie mense oordrewe. *“God is dan ’n God van liefde en die tyd van God se straf is mos verby nou dat Christus gekom het om vir die sonde te sterf.”* So hoor ons mense redeneer wat graag hulle bedenkinge het teenoor God se Woord wanneer dit kom by God se ewige oordeel.

Ons bely God wil NIE hierdie sonde ongestraf laat bly nie. Nie die sonde nie, en ook nie die erfsonde nie. By ons as mense is daar reeds 'n gevoel van reg wat in opstand kom teen onreg. Hoeveel te meer moet die Here, die God van geregtigheid Hom

nie vertoorn wanneer die reg gekrenk word en sy gebooie geminag word nie?

Om passief die verkeerde toe te laat, om die sonde deur die vingers te sien is by God ten ene male onmoontlik. Dit is in stryd met sy Heilige wese. Hy is immers 'n "God van trou en sonder onreg; regverdig en reg is Hy" (Deut. 32:4). As God Hom nie oor die sonde vertoorn en dit op 'n regverdige wyse straf nie, hou Hy op om 'n God van geregtigheid en heiligheid te wees. Daarom het Hy 'n vloek uitgespreek oor almal wat nie in alles aan Hom gehoorsaam is nie: "*Daar rus 'n vloek op elkeen wat nie stiptelik alles doen wat in die boek van die wet geskrywe staan nie*" (Gal. 3:10; vgl. Deut. 27:26).

Openbaring 14:6-13 skets vir ons 'n simboliese uitbeelding van God se ewige oordeel wat oor die mense kom wat volhard in hulle sonde. Die eerste engel word gestuur aan "die bewoners van die aarde". Dit karakteriseer die mense in die algemeen op die vooraand van die oordeel: hulle *bewoon* die aarde. Hulle is sorgeloos, onverskillig, onbekommerd, lusteloos en traak-my-nie-agtig.

'n Engel verskyn aan hierdie sorgelose mense, hy vlieg in die middel van die lug sodat hy deur almal gehoor kan word, en sê: "Vrees God en gee Hom heerlikheid, want die uur van sy oordeel het gekom," Niemand wat in ongeloof volhard, sal vrykom nie, want God is die Almagtige "wat die hemel en die aarde en die see en die waterfonteine gemaak het"

Vir die volk van God is hierdie aankondiging van die komende oordeel nogtans goeie tyding, want dit beteken ons word finaal verlos van hierdie sondige en aardse bestaan, en word verenig met ons Verlosser, Jesus Christus.

Die tweede engel volg en sê: "Geval, geval het Babilon die groot stad, omdat sy al die nasies laat drink het van die wyn van die grimmigheid van haar hoerery," Babilon is die soort wêreldmag. Soos soveel van Openbaring, word die beeld deur die boek Daniël ook beskryf. Daar word van die koninkryk as groot gepraat (Dan. 4:30). Die naam van die stad "Rome" word op 1 Pet. 5:13, buite-Bybelse tekste Vergelyk met Babilon. Babilon is die wêreldsentrum van verleiding. Hier word van sy toekomstige val gepraat asof dit alreeds gebeur het. Só seker is hierdie val! Daarom, laat die goddelose hom bekeer van sy hoerery: afval, aanbidding van die dier.

Dit is byna sekerlik bedoel om 'n woord van bemoediging vir die kerk te wees, aangesien hulle aanhou getuig van Christus te midde van vervolging. Hoe dit ook al sy, die res van die wêreld het Rome gesien, wat in hul eie arrogansie homself die Pax Romana ('Romeinse vrede') aan die wêreld aangebied het, die apostel Johannes het hul 'vrede' gesien as 'n vrymoedige weerstand teen God en teen die mense van God. Só beeld hy haar (Rome en sy ryk) in die rol van 'n hoer en verlei hy die hele wêreld deur 'die kwaai wyn van haar owerspel'. Die aankondiging van die tweede engel voorsien dus die langer vertelling van hoofstuk 17. Tog handel Openbaring nie net oor die oordeel oor Rome nie, maar oor die finale oordeel van God, oor die hele wêreld wat hom verset teen God.

Die derde engel volg: In baie ernstige taal – sien verse 9 en 10 – kondig hy aan dat almal wat aan hierdie wêreld geheg is, saam met die wêreld sal vergaan. As jy kies om Satan te dien, moet jy verwag om die gevolge daarvan te dra. Oor die frase "die merk op die voorhoof ontvang" moet ons terugkyk in Openbaring waar die uitverkorenes van God beskryf word as mense met die Naam van God op hulle voorkoppe geskryf. Dit staan teenoor wat ons hier lees oor die merk van die dier op mense se voorkoppe. Jy behoort of aan God, of aan die wêreld.

Jy kan nie volhard in die sonde en reken dat jy niks sal oorkom nie. Die toorn van God sal uitgegiet word oor almal wat die dier aanbid. Hier op aarde word hierdie toorn nog vermeng met genade. Die Here laat sy son skyn op slegtes sowel as goeies, en stuur sy reën op die regverdige en die onregverdige. Later, in die verderf, sal sy toorn onvermeng wees!

Die Griekse teks beskryf die wyn as 'volledig ongemengd', dit wil sê ongemengde sterk wyn wat nie afgewater is nie. Die beeld van die beker van God se grimmigheid, kyk terug na die Ou Testament. In Psalm 75:9 kry ons ook hierdie beeld *“Want in die hand van die HERE is ’n beker, en die wyn skuim; dit is oorvloedig gemeng, en Hy skink daaruit; ja, die afsaksel daarvan moet al die goddelose van die aarde opslurp, uitdrink.”*

In die Tyd van die Nuwe Testament het hulle wyn baie anders gesmaak as vandag. Die wynmaakproses was nog nie so verfyn soos vandag nie. Hulle wyn was baie sleg en bitter en hulle moes baie van die onsuierhede uit die wyn sif en ook dit meng met kruie en ander geure om die wyn drinkbaar te maak. Die beeld beskryf iets van die Here se oordeel. Dit word nie afgewater nie en dit word ook nie gemeng met sy genade nie.

Niks daarvan word ook uitgesif nie, en soos 'n mens in die wyn so bitter alg gekry het, so moet die nasies die bitterheid van God se oordeel drink.

Sommige mense word ontstel deur beelde soos 'vuur en swawel' (Op. 14:10) en 'rook' (Op. 14:11). Hulle vra: "Hoe kan 'n God van liefde daadwerklik toelaat dat sy wesens ewige pyniging ly?" Maar ons moet in gedagte hou dat God se liefde 'n heilige liefde is, nie een wat op sentimentaliteit gebaseer is nie, en daarom moet Hy met sonde handel. Ons hou miskien nie van die woord pyniging nie, maar dit is hier presies dieselfde (Op. 14:10; sien ook 9: 5; 11:10; 20:10).

Ons moet ook in gedagte hou dat God sondaars herhaaldelik gewaarsku het en hulle die geleentheid gegee het om hul te bekeer. Die eerste engel in hierdie reeks het sondaars genooi om hulle tot God te wend, en die tweede een het gewaarsku dat die hele "Babiloniese" stelsel vernietig sou word. As mense volhard in hul sondes, selfs nadat God vonnisse en waarskuwings uitgestuur het, kan hulle net hulself die skuld gee.

"En ek het 'n stem uit die hemel aan my hoor sê: Skryf – salig is van nou af die dode wat in die Here sterwe. Ja, sê die Gees, sodat hulle kan rus van hulle arbeid, en hulle werke volg met hulle,". Die heerlijkheid van die verlostes is beskrywe.

Johannes het vir sy lesers bedoel om die kontras tussen Openbaring 14:11 en 13 te sien: geen rus vir die goddelose nie, maar ewige rus vir die heiliges (2 Thess. 1: 7-8). *“en aan julle wat verdruk word, verligting te gee saam met ons in die openbaring van die Here Jesus uit die hemel met sy magtige engele in vuur en vlam, wanneer Hy wraak uitoefen op die wat God nie ken nie en op die wat aan die evangelie van onse Here Jesus nie gehoorsaam is nie.”* Dit is beter om vir ewig saam met Christus te regeer as vir 'n paar kort jare met die Antichris! Beter om nou vervolging geduldig te verduur as om dit te ontsnap en dwarsdeur die ewigheid te ly!

Hulle wat van nou af in die Here sterwe, sien van aangesig tot aangesig die Een wat vir hulle gesterf het en wat altyd leef om vir hulle in te tree. Hulle sien Hom nou as die Lam wat geslag is. Hulle sien Christus, wat sy lydingsbeker gedrink het. Die beker van God se toorn wat ongemengd vir Hom geskink is, ter wille van hulle sondes. Hulle sien Hom in die heerlijkheid van sy menslike natuur wat Hy saam met Hom na die hemel geneem

het. Hulle sien hom as die Een wat geseëvier het oor sonde, dood, Satan! Hulle rus van hulle arbeid, maar tog volg hul werke hulle na.

Ons moet nie dink God kan maar die straf oor die sonde onder die mat vee nie. Om terug te kom by ons belydenis, bely ons dat God volkome regverdig is, en Hy moet die sonde straf om getrou te wees aan Homself. Tog moet ons nie vrees vir die oordeel van God nie, want Christus het reeds die beker van God se grimmigheid vir ons gedrink. Dink maar aan die tuin van Getsemane. Trouens, was dit nie vir die regverdige oordeel van God nie, sou daar nie vir ons verlossing wees nie.

Vir die mense wat egter volhard in hulle sonde sonder berou. Neem die woorde van openbaring 14 ter harte. Die tyd om te glo in Christus as jou verlosser in nou. Amen.

Antwoorddiens

Gebed

Liefdegawe

Slotsang: Ps. 16: 1, 2 & 5

Seën